

Skupština će većinom glasova, između prisutnih dioničara i punomoćnika dioničara, izabrati predsjednika Skupštine, zapisničara i dva (2) ovjerivača zapisnika.

Utvrđivanje kvoruma i rezultata glasanja na Skupštini, na prijedlog sekretara Društva, vrši Odbor za glasanje u sastavu od 3 člana, i to:

- 1) Stipo Rotim, predsjednik
- 2) Ivica Alilović, član
- 3) Zoran Šaravanja, član.

Zamjenici Odbora za glasanje su:

- 1) Igor Rajić, zamjenik predsjednika
- 2) Josip Dragič, zamjenik člana
- 3) Davor Lesko, zamjenik člana.

IV.

Dioničar ili grupa dioničara s najmanje 5% ukupnog broja dionica s pravom glasa ima pravo pismeno predložiti izmjenu dnevnog reda i prijedlog odluka Skupštine dioničara najkasnije osam dana od dana objavljivanja obavještenja o sazivanju Skupštine.

Prijedlozi se dostavljaju u pisanom obliku, neposredno ili preporučenom poštom na adresu Mile Budaka br. 106A Mostar, sa početkom u 10,00 sati, najkasnije 8 (osam) dana od dana objavljivanja obavještenja o sazivanju Skupštine.

V.

Pravo odlučivanja na Skupštini imaju dioničari koji se nalaze na listi dioničara kod Registra vrijednosnih papira u Federaciji Bosne i Hercegovine 30 dana prije održavanja Skupštine ili posljednjeg radnog dana koji prethodi tom roku, ako on pada u neradni dan.

Pravo učešća u radu i odlučivanju Skupštine dioničar može ostvariti lično ili putem ovlaštenog punomoćnika.

VI.

Svaki zainteresovani dioničar dužan je podnijeti prijavu za učešće u radu i odlučivanju na Skupštini dioničara privrednog društva JP "Elektroprivreda HZ HB" d.d. Mostar neposredno ili posredstvom punomoćnika, na osnovu koje će mu se izdati potvrda o podnijetoj prijavi sa podacima o učešću u radu i odlučivanju na Skupštini dioničara.

Rok za podnošenje prijave je najkasnije tri dana prije dana određenog za održavanje Skupštine.

VII.

Materijali predviđeni dnevnim redom za održavanje Skupštine biće dostupni na uvid svakom zainteresovanom dioničaru odnosno punomoćniku, svakog radnog dana od 8 do 14 sati u prostorijama privrednog društva "JP "Elektroprivreda HZ HB" d.d. Mostar, ul. Mile Budaka br. 106A Mostar, počev od dana objavljivanja ovog obavještenja do dana koji prethodi danu predviđenom za održavanje Skupštine.

VIII.

Vlada Federacije Bosne i Hercegovine će u skladu sa članom 242. Zakona o privrednim društvima objaviti Obavještenje o sazivanju XXV. Skupštine dioničara privrednog društva JP "Elektroprivreda HZ HB" d.d. Mostar.

IX.

Ova odluka stupa na snagu danom donošenja i objavit će se u "Službenim novinama Federacije BiH".

V. broj 1002/2015
10. augusta/kolovoza 2015. godine
Sarajevo

Premijer
Fadil Novalić, s. r.

FEDERALNO MINISTARSTVO ZDRAVSTVA

1151

Na osnovu člana 153. stav 2., člana 155. stav 2., člana 157. stav 3. Zakona o zdravstvenoj zaštiti ("Službene novine Federacije BiH", br. 46/10 i 75/13), federalni ministar zdravstva donosi

PRAVILNIK

O SPECIJALIZACIJAMA I SUBSPECIJALIZACIJAMA DOKTORA MEDICINE, DOKTORA STOMATOLOGIJE, MAGISTARA FARMACIJE I INŽINJERA MEDICINSKE BIOHEMIJE

I - OSNOVNE ODREDBE

Član 1.

- (1) Ovim pravilnikom utvrđuju se grane, trajanje, plan i program specijalizacija i subspecijalizacija za doktore medicine, doktore stomatologije, magistre farmacije i inženjere medicinske biohemije; uvjeti za zdravstvene ustanove i fakultete zdravstvenog usmjerenja u kojima se obavlja specijalizantski, odnosno subspecijalizantski staž, kao i postupak njihove verifikacije; kriteriji za prijem specijalizanata, odnosno subspecijalizanata; način obavljanja specijalizantskog, odnosno subspecijalizantskog staža; uvjeti za obavljanje specijalizantskog, odnosno subspecijalizantskog staža u inostranstvu; polaganje specijalističkog, odnosno subspecijalističkog ispita; kao i troškovi obavljanja specijalizantskog, odnosno subspecijalizantskog staža i polaganja specijalističkog, odnosno subspecijalističkog ispita.
- (2) Fakulteti zdravstvenog usmjerenja, u smislu ovog pravilnika, su: medicinski, stomatološki, farmaceutski i farmaceutsko-biohemijski fakultet.

Član 2.

- (1) Doktori medicine, doktori stomatologije, magistri farmacije i inženjere medicinske biohemije mogu se stručno usavršavati u obliku specijalizacije i subspecijalizacije.
- (2) Specijalizacija i subspecijalizacija je organizirani oblik sticanja teoretskih i praktičnih stručnih znanja i naučnih saznanja prema propisanom programu.
- (3) Plan i program specijalizacija i subspecijalizacija za doktore medicine, doktore stomatologije, magistre farmacije i inženjere medicinske biohemije, te njihovo trajanje nalazi se u prilogu ovog pravilnika i čini njegov sastavni dio (**Prilog broj 1.**)

II - UVJETI ZA ZDRAVSTVENE USTANOVE I FAKULTETE ZDRAVSTVENOG USMJERENJA U KOJIMA SE OBAVLJA SPECIJALIZANTSKI, ODNOSNO SUBSPECIJALIZANTSKI STAŽ I POSTUPAK NJIHOVE VERIFIKACIJE

Član 3.

- (1) Cjeloviti program ili dio programa specijalizantskog, odnosno subspecijalizantskog staža doktora medicine, doktora stomatologije, magistara farmacije i inženjera medicinske biohemije obavlja se u zdravstvenim ustanovama i fakultetima zdravstvenog usmjerenja koji, u pogledu prostora, opreme i kadra, udovoljavaju sljedećim uvjetima:
 - a) da se u njima obavljaju stručni poslovi predviđeni planom i programom određene specijalizacije, odnosno subspecijalizacije,
 - b) da imaju odgovarajući prostor i opremu,
 - c) da imaju u stalnom radnom odnosu najmanje dva specijalista, odnosno subspecijalista sa najmanje pet godina specijalističkog, odnosno subspecijalističkog staža za granu specijalizacije, odnosno subspecija-

- lizacije u kojoj se specijalizant, odnosno subspecijalizant usavršava,
- d) da imaju u stalnom radnom odnosu najmanje jednog specijalistu, odnosno subspecijalistu koji ispunjava uvjete za glavnog mentora za onu granu specijalizacije, odnosno subspecijalizacije za koju se traži ovlaštenje,
 - e) da imaju bibliotekarsko-informatičku podršku saglasno savremenim zahtjevima medicinske, stomatološke, farmaceutke, odnosno medicinsko-biohemijske struke kojom se omogućava pristup odgovarajućoj domaćoj i stranoj stručnoj literaturi, te prostor i opremu za praktično učenje laboratorijskih tehnika,
 - f) da imaju organizirane aktivnosti u oblasti praćenja kvaliteta specijalizantskog, odnosno subspecijalizantskog staža.
- (2) Pored uvjeta iz stava 1. ovog člana zdravstvene ustanove i fakulteti zdravstvenog usmjerenja moraju ispunjavati i posebne uvjete ako su propisani u planovima i programima specijalizacija, odnosno subspecijalizacija utvrđenih ovim pravilnikom.
 - (3) Izuzetno, od stava 1. ovog člana, dio programa specijalizantskog, odnosno subspecijalizantskog staža za magistre farmacije može se obavljati i u farmaceutskoj industriji, prehrambenoj industriji, laboratorijama za ispitivanje lijekova pri agencijama za lijekove i medicinska sredstva, laboratorijama za ispitivanje kvaliteta hrane pri agencijama za sigurnost hrane, laboratorijama za ispitivanje vode i dr.
 - (4) Farmaceutska i prehrambena industrija, kao i laboratorije iz stava 3. ovog člana moraju ispunjavati uvjete propisane stavom 1. ovog člana, izuzev uvjeta navedenih u tač. c) i d) stava 1. istog člana.
 - (5) U pogledu uvjeta kadra, farmaceutska i prehrambena industrija, kao i laboratorije iz stava 3. ovog člana moraju imati u stalnom radnom odnosu jednog specijalistu, odnosno subspecijalistu, sa najmanje pet godina specijalističkog, odnosno subspecijalističkog staža za granu specijalizacije, odnosno subspecijalizacije u kojoj se specijalizant usavršava, kao i odgovarajući visokoobrazovni kadar iz oblasti tehnologije, hemije, informatike i drugih srodnih zanimanja.

Član 4.

- (1) Glavni mentor i komentor moraju biti uposlenici zdravstvenih ustanova, odnosno fakulteta zdravstvenog usmjerenja kojima je dato odobrenje za obavljanje specijalizantskog, odnosno subspecijalizantskog staža u smislu člana 7. ovog pravilnika.
- (2) Glavni mentor mora imati najmanje 10 godina specijalističkog, odnosno subspecijalističkog staža za onu granu specijalizacije, odnosno subspecijalizacije u kojoj se specijalizant usavršava, te imati nastavno zvanje ili zvanje magistra nauka ili doktora nauka.
- (3) Komentor mora imati najmanje pet godina specijalističkog, odnosno subspecijalističkog staža iz one grane specijalizacije, odnosno subspecijalizacije iz koje se izvodi dio programa specijalizantskog, odnosno subspecijalizantskog usavršavanja.
- (4) Na prijedlog nastavnih zdravstvenih ustanova tipa univerzitetsko-kliničkih bolnica, odnosno fakulteta zdravstvenog usmjerenja i zdravstvenih ustanova kojima je dato odobrenje za obavljanje specijalizantskog, odnosno subspecijalizantskog staža u smislu člana 7. ovog pravilnika, federalni ministar zdravstva (u daljem tekstu: ministar) rješenjima utvrđuje liste glavnih mentora i komentora za kliničke specijalizacije, odnosno

subspecijalizacije sa rokom važenja od dvije godine, a koje se objavljuju na web stranici Federalnog ministarstva zdravstva (u daljem tekstu: Ministarstvo).

- (5) Izuzetno od stava 4. ovog člana, na prijedlog nastavnih zavoda i nastavnih zdravstvenih ustanova iz člana 110. stav 2. Zakona o zdravstvenoj zaštiti ("Službene novine Federacije BiH", br. 46/10 i 75/13 - u daljem tekstu: Zakon), kojima je dato odobrenje za obavljanje specijalizantskog, odnosno subspecijalizantskog staža u smislu člana 7. ovog pravilnika, ministar rješenjima utvrđuje liste glavnih mentora i komentora za specijalizacije, odnosno subspecijalizacije primarnog nivoa zdravstvene zaštite, sa rokom važenja od dvije godine, a koje se objavljuju na web stranici Ministarstva.
- (6) Glavni mentor je odgovoran za propisano provođenje cjelokupnog plana i programa specijalizantskog, odnosno subspecijalizantskog staža u cijelosti, saradnju sa komentorom, praćenje napretka specijalizanta, provjeravanje znanja specijalizanta najmanje dva puta godišnje putem provjere znanja i vještina, te tačnost podataka u specijalističkoj, odnosno subspecijalističkoj knjižici. Glavni mentor za svoj rad odgovara direktoru ustanove, odnosno dekanu fakulteta koji ga imenuje.
- (7) Glavni mentor obavezan je obavljati poslove utvrđene ovim članom najmanje dva sata sedmično sa svakim specijalizantom, odnosno subspecijalizantom.
- (8) Komentor je odgovoran za propisano provođenje dijela programa specijalizantskog, odnosno subspecijalističkog staža za koji je imenovan i kontinuirano je angažiran u radu sa svakim specijalizantom, odnosno subspecijalizantom. Komentor za svoj rad odgovara glavnom mentoru i direktoru ustanove, odnosno dekanu fakulteta koji ga imenuje.
- (9) Ministarstvo može brisati sa liste glavnih mentora i komentora onog glavnog mentora i komentora za kojeg se utvrdi da neodgovorno vodi specijalizanta, odnosno subspecijalizanta, a na osnovu prijedloga podnosioca zahtjeva za odobrenje specijalizacije, odnosno subspecijalizacije iz člana 12. ovog pravilnika, zatim specijalizanta, odnosno subspecijalizanta, kao i ustanove koja je predložila glavnog mentora, odnosno komentora za uvrštavanje na listu.
- (10) Uz zahtjev za brisanje sa liste glavnih mentora i komentora obavezno se dostavlja i izjašnjenje glavnog mentora i komentora o razlozima radi kojih se predlaže njegovo brisanje sa liste glavnih mentora i komentora.
- (11) Izjašnjenje se pribavlja u roku od sedam (7) dana od dana prijema zahtjeva iz stava 10. ovog člana.

Član 5.

- (1) Utvrđivanje ispunjenosti uvjeta prostora, opreme i kadra za obavljanje cjelovitog programa ili dijela programa specijalizantskog, odnosno subspecijalizantskog staža kod zdravstvenih ustanova, odnosno fakulteta zdravstvenog usmjerenja iz člana 3. ovog pravilnika, obavlja Ministarstvo, saglasno odredbama ovog pravilnika i Zakona.
- (2) Zahtjev za utvrđivanje ispunjenosti uvjeta iz stava 1. ovog člana podnosi zdravstvena ustanova, odnosno fakultet zdravstvenog usmjerenja.
- (3) Uz zahtjev iz stava 2. ovog člana prilaže se:
 - a) rješenje o registraciji ustanove izdato od nadležnog općinskog suda,
 - b) dokaz o vlasništvu prostora, odnosno važeći ugovor o zakupu poslovnog prostora,
 - c) prijedlog grana specijalizacije, odnosno subspecijalizacije ili dijelova specijalizacije, odnosno subspecijalizacije, a koji će se u toj ustanovi izvoditi,

- d) spisak stručnog kadra sa urednom ličnom dokumentacijom uposlenika koji su u stalnom radnom odnosu, a koji ispunjavaju uvjete za glavnog mentora i komentora,
 - e) spisak opreme sa urednim atestima proizvođača opreme kojim se potvrđuje kvalitet, ispravnost i sigurnost opreme,
 - f) dokaz o ispunjenosti posebnih uvjeta propisanih u planovima i programima specijalizacija, odnosno subspecijalizacija utvrđenih ovim pravilnikom, a u skladu sa stavom 2. člana 3. ovog pravilnika,
 - g) potpisana i ovjerena izjava od strane odgovorne osobe podnosioca zahtjeva da odgovara za istinitost i tačnost podnijete dokumentacije,
 - h) dokaz o uplati federalne takse,
 - i) dokaz o uplati naknade za rad stručne komisije.
- (4) Odredbe ovog člana shodno se primjenjuju i na utvrđivanje ispunjenosti uvjeta prostora, opreme i kadra za obavljanje dijela programa specijalizantskog, odnosno subspecijalizantskog staža za magistre farmacije u farmaceutske i prehrambene industriji, kao i laboratorijama iz člana 3. stav 3. ovog pravilnika.
- (5) Farmaceutska i prehrambena industrija, kao i laboratorije iz člana 3. stav 3. ovog pravilnika, prilikom podnošenja zahtjeva iz stava 3. ovog člana ne podnose dokumentaciju iz tač. d) i e) stava 3. istog člana, već spisak stručnog kadra sa urednom ličnom dokumentacijom uposlenika koji su u stalnom radnom odnosu, a u zvanju su specijaliste, odnosno subspecijaliste, sa najmanje pet godina specijalističkog, odnosno subspecijalističkog staža za granu specijalizacije, odnosno subspecijalizacije za koju ustanova kandidira obavljanje specijalizantskog, odnosno subspecijalizantskog staža, kao i odgovarajućeg visokoobrazovnog kadra iz oblasti tehnologije, hemije, informatike i dr. srodnih zanimanja.

Član 6.

- (1) Po prijemu uredno dokumentiranog zahtjeva iz člana 5. ovog pravilnika, ministar imenuje stručnu komisiju od najmanje tri člana, sa zadatkom da utvrdi ispunjenost uvjeta prostora, opreme i kadra za izdavanje odobrenja za obavljanje cjelovitog programa ili dijela programa specijalizantskog, odnosno subspecijalizantskog staža.
- (2) Stručna komisija iz stava 1. ovog člana sačinjava zapisnik sa prijedlogom ministru o izdavanju odobrenja za obavljanje cjelovitog programa ili dijela programa specijalizantskog, odnosno subspecijalizantskog staža, odnosno sa prijedlogom o odbijanju podnesenog zahtjeva kao neosnovanog.
- (3) Podnositelj zahtjeva odgovara za istinitost i tačnost podataka dostavljenih Ministarstvu.

Član 7.

- (1) Na osnovu podnijetog dokumentiranog zahtjeva, a po provedenom postupku utvrđenom članom 6. ovog pravilnika, ministar donosi rješenje kojim odobrava zdravstvenoj ustanovi, odnosno fakultetu zdravstvenog usmjerenja obavljanje cjelovitog programa ili dijela programa specijalizantskog, odnosno subspecijalizantskog staža ili rješenje kojim se zahtjev odbija kao neosnovan.
- (2) Rješenje donijeto u smislu stava 1. ovog člana je konačno u upravnom postupku i protiv istog se može pokrenuti upravni spor saglasno propisima o upravnim sporovima.
- (3) Ukoliko je rješenje iz stava 1. ovog člana pozitivno upisuje se u registar zdravstvenih ustanova i fakulteta zdravstvenog usmjerenja u kojima se može obavljati specijalizantski,

odnosno subspecijalizantski staž, a koji se vodi u Ministarstvu.

- (4) Odredbe ovog člana shodno se primjenjuju i na farmaceutsku i prehrambenu industriju, kao i laboratorije iz člana 3. stav 3. ovog pravilnika.

Član 8.

- (1) Ako tokom izvođenja programa specijalizantskog, odnosno subspecijalizantskog staža nastanu promjene u vezi ispunjavanja uvjeta na osnovu kojih je izdato rješenje o odobrenju obavljanja cjelovitog programa, odnosno dijela programa specijalizantskog, odnosno subspecijalizantskog staža iz člana 7. ovog pravilnika, direktor zdravstvene ustanove, odnosno dekan fakulteta zdravstvenog usmjerenja, obavezan je o navedenim promjenama obavijestiti Ministarstvo, i to u roku od 30 dana od dana nastupanja promjene.
- (2) U slučaju iz stava 1. ovog člana, zdravstvenoj ustanovi, odnosno fakultetu zdravstvenog usmjerenja koji više ne ispunjava uvjete iz člana 3. ovoga pravilnika, ministar donosi rješenje kojim se oduzima odobrenje za obavljanje cjelovitog programa ili dijela programa specijalizantskog, odnosno subspecijalizantskog staža iz određene grane specijalizacije, odnosno subspecijalizacije koji se u toj ustanovi izvodi.
- (3) Rješenje iz stava 2. ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.
- (4) Odredbe ovog člana shodno se primjenjuju i na farmaceutsku i prehrambenu industriju, kao i laboratorije iz člana 3. stav 3. ovog pravilnika.

III - KRITERIJI ZA PRIJEM SPECIJALIZANATA, ODNOSNO SUBSPECIJALIZANATA

Član 9.

- (1) Specijalizacija, odnosno subspecijalizacija može se odobriti na osnovu godišnjeg plana potrebnih specijalizacija i subspecijalizacija koji utvrđuje Ministarstvo na prijedlog kantonalnih ministarstava zdravstva u smislu člana 154. st. 3. i 5. Zakona.
- (2) Prijedlog godišnjeg plana potrebnih specijalizacija i subspecijalizacija, zajedno sa mišljenjem nadležnog zavoda za javno zdravstvo i zavoda zdravstvenog osiguranja, nadležna kantonalna ministarstva dostavljaju Ministarstvu do kraja mjeseca septembra tekuće godine, za narednu godinu.
- (3) Ministarstvo utvrđuje godišnji plan potrebnih specijalizacija i subspecijalizacija za područja kantona do kraja mjeseca decembra tekuće godine, za narednu godinu.
- (4) Godišnji planovi potrebnih specijalizacija i subspecijalizacija, nakon donošenja, odmah se dostavljaju putem pošte nadležnim kantonalnim ministarstvima zdravstva, radi realizacije.
- (5) Izuzetno od stava 1. ovog člana, a saglasno članu 154. stav 2. Zakona, bez godišnjeg plana specijalizacija, odobrenje za specijalizaciju i subspecijalizaciju može se izdati doktoru medicine, doktoru stomatologije, magistru farmacije i inženjeru medicinske biohemije, a za potrebe nadležnog ministarstva zdravstva, državnog, odnosno federalnog ministarstva, organa državne ili federalne uprave, fakulteta zdravstvenog usmjerenja, pravnih lica koja obavljaju naučno-istraživačku djelatnost, pravnih lica koja obavljaju proizvodnju i promet lijekova i medicinskih sredstava, kao i zavoda zdravstvenog osiguranja. Zahtjev za odobrenje specijalizacije, odnosno subspecijalizacije po ovom osnovu podrazumijeva dostavljanje obrazloženja potrebe za specijalizacijom, odnosno subspecijalizacijom, kao i opisa

jasne veze predložene specijalizacije, odnosno subspecijalizacije sa djelatnošću podnositelja zahtjeva.

Član 10.

- (1) Specijalizacija, odnosno subspecijalizacija se može odobriti doktoru medicine, doktoru stomatologije, magistru farmacije i inženjeru medicinske biohemije koji je u radnom odnosu u zdravstvenoj ustanovi koja dodjeljuje specijalizaciju, odnosno subspecijalizaciju ili ima privatnu praksu, ili radi kod zdravstvenog radnika visoke stručne spremne privatne prakse koji dodjeljuje specijalizaciju, odnosno subspecijalizaciju i koji ima najmanje godinu dana radnog iskustva u struci nakon položenog stručnog ispita.
- (2) Specijalizacija, odnosno subspecijalizacija se može odobriti i doktoru medicine, doktoru stomatologije, magistru farmacije i inženjeru medicinske biohemije koji ispunjava uvjete iz stava 1. ovog člana, a u radnom odnosu je u nadležnom ministarstvu zdravstva, državnom, odnosno federalnom ministarstvu, organu državne ili federalne uprave, fakultetu zdravstvenog usmjerenja, pravnom licu koje obavlja naučno-istraživačku djelatnost, pravnom licu koje obavlja proizvodnju i promet lijekova i medicinskih sredstava, kao i zavodu zdravstvenog osiguranja.

Član 11.

- (1) Izbor kandidata za specijalizaciju obavlja zdravstvena ustanova, privatna praksa, nadležno ministarstvo zdravstva, državno, odnosno federalno ministarstvo, organ državne ili federalne uprave, fakultet zdravstvenog usmjerenja, pravno lice koje obavlja naučno-istraživačku djelatnost, pravno lice koje obavlja proizvodnju i promet lijekova i medicinskih sredstava, kao i zavod zdravstvenog osiguranja na osnovu konkursa objavljenog u sredstvima javnog informiranja.
- (2) Izbor kandidata za subspecijalizaciju, subjekti iz stava 1. ovog člana obavljaju na osnovu internog oglasa.

Postupak odobravanja specijalizacije, odnosno subspecijalizacije

Član 12.

- (1) Zahtjev za odobrenje specijalizacije, odnosno subspecijalizacije Ministarstvu podnosi zdravstvena ustanova, odnosno privatna praksa zajedno sa ličnim zahtjevom doktora medicine, doktora stomatologije, magistra farmacije ili inženjera medicinske biohemije za kojeg se traži odobrenje specijalizacije, odnosno subspecijalizacije.
- (2) Zahtjev za odobrenje specijalizacije, odnosno subspecijalizacije Ministarstvu može podnijeti i nadležno ministarstvo zdravstva, državno, odnosno federalno ministarstvo, organ državne ili federalne uprave, fakultet zdravstvenog usmjerenja, pravno lice koje obavlja naučno-istraživačku djelatnost, pravno lice koje obavlja proizvodnju i promet lijekova i medicinskih sredstava, kao i zavod zdravstvenog osiguranja kod kojeg je uposlen doktor medicine, doktor stomatologije, magistar farmacije ili inženjer medicinske biohemije.
- (3) Uz zahtjev iz st. 1. i 2. ovog člana podnosi se sljedeća dokumentacija:
 - a) pravosnažna odluka o dodjeli specijalizacije, odnosno subspecijalizacije kandidatu,
 - b) dokaz o provedenom javnom konkursu samo prilikom dodjele specijalizacije,
 - c) diploma o završenom fakultetu,
 - d) uvjerenje o položenom stručnom ispitu,
 - e) potvrda o radnom iskustvu od najmanje godinu dana od položenog stručnog ispita,
 - f) očitovanje podnositelja zahtjeva o zdravstvenoj ustanovi, odnosno fakultetu u kojima se planira

obaviti specijalizantski, odnosno subspecijalizantski staž,

- g) dokaz o uplati troškova specijalizacije, odnosno subspecijalizacije, a koji će se koristiti za izmirenje naknada za rad glavnog mentora i komentora.
- (4) Na osnovu podnijetog dokumentiranog zahtjeva iz stava 3. ovog člana, a po provedenom postupku, ministar donosi rješenje kojim odobrava specijalizaciju, odnosno subspecijalizaciju ili rješenje kojim se zahtjev odbija kao neosnovan.
- (5) Rješenje donijeto u smislu stava 4. ovog člana je konačno u upravnom postupku i protiv istog se može pokrenuti upravni spor saglasno propisima o upravnim sporovima.

Član 13.

Doktor medicine, doktor stomatologije, magistar farmacije, odnosno inženjer medicinske biohemije kojem je rješenjem ministra odobrena specijalizacija, odnosno subspecijalizacija u smislu člana 12. stav 1. ovog pravilnika, a koji nije u radnom odnosu u zdravstvenoj ustanovi, odnosno privatnoj praksi, zaključuje ugovor o radu sa zdravstvenom ustanovom, odnosno privatnom praksom za period trajanja specijalizacije odnosno subspecijalizacije.

IV - NAČIN OBAVLJANJA SPECIJALIZANTSKOG, ODNOSNO SUBSPECIJALIZANTSKOG STAŽA

Član 14.

Ovlaštene zdravstvene ustanove i fakulteti zdravstvenog usmjerenja za obavljanje specijalizantskog, odnosno subspecijalizantskog staža iz člana 3. ovog pravilnika, svojim općim aktima propisuju koliki broj specijalizanata, odnosno subspecijalizanata mogu istovremeno primati na specijalizaciju, odnosno subspecijalizaciju.

Član 15.

- (1) Ovlaštena ustanova u kojoj se obavlja specijalizantski, odnosno subspecijalizantski staž imenuje glavnog mentora i komentora sa listi iz st. 4. i 5. člana 4. ovog pravilnika za svakog pojedinačnog specijalizanta, odnosno subspecijalizanta.
- (2) Specijalizant, odnosno subspecijalizant započinje sa obavljanjem specijalizantskog, odnosno subspecijalizantskog staža u roku od 30 dana od dana prijema rješenja o odobrenju specijalizacije, odnosno subspecijalizacije.
- (3) Vrijeme provedeno na poslovima i zadacima koji su predviđeni programom specijalizantskog, odnosno subspecijalizantskog staža, prije izdavanja rješenja o odobrenju specijalizacije, odnosno subspecijalizacije ne može se priznati u specijalizantski, odnosno subspecijalizantski staž.
- (4) U roku iz stava 2. ovog člana, glavni mentor je obavezan izraditi raspored obavljanja propisanog programa specijalizantskog, odnosno subspecijalizantskog staža, dogovoriti obavljanje specijalizantskog, odnosno subspecijalizantskog staža u ovlaštenim zdravstvenim ustanovama, odnosno fakultetima iz člana 3. ovog pravilnika, te utvrditi dan početka specijalizacije, odnosno subspecijalizacije.
- (5) Dio programa specijalizacije, odnosno subspecijalizacije koji je zajednički za sve specijalističke programe mora sadržavati teoretsku nastavu iz oblasti: poznavanje organizacije zdravstva; upravljanje zdravstvenim sistemom, te etika i propisi iz oblasti zdravstva.

Član 16.

- (1) Specijalizant, odnosno subspecijalizant provodi program specijalizacije, odnosno subspecijalizacije, u pravilu, bez prekida.
- (2) Izuzetno od stava 1. ovog člana, specijalizantu, odnosno subspecijalizantu se može odobriti prekid staža u slučaju-

vima stručnog ili naučnog usavršavanja u inostranstvu u kontinuiranom trajanju dužem od 30 dana, porodijskog odsustva, komplikacije u trudnoći, bolesti kod kojih liječenje traje duže od 30 dana, te pritvoru dužem od 30 dana.

- (3) O svakom prekidu u toku trajanja specijalizantskog, odnosno subspecijalističkog staža, podnositelj zahtjeva za odobrenje specijalizacije, odnosno subspecijalizacije iz člana 12. ovog pravilnika, obavezan je obavijestiti glavnog mentora i dokumentirati razloge prekida.
- (4) Prijedlog za prekid specijalizantskog, odnosno subspecijalističkog staža podnositelj zahtjeva za odobrenje specijalizacije, odnosno subspecijalizacije iz člana 12. ovog pravilnika podnosi Ministarstvu neposredno nakon završetka razloga koji su doveli do prekida.
- (5) Uz prijedlog iz stava 4. ovog člana potrebno je dostaviti dokaze o razlogu prekida specijalizantskog, odnosno subspecijalizantskog staža.
- (6) Ako je prekid opravdan, ministar donosi rješenje kojim se odobrava prekid specijalizacije, odnosno subspecijalizacije i naznačava se produžavanje specijalizacije, odnosno subspecijalizacije za vrijeme za koje je prekid trajao ili rješenje kojim se odbija zahtjev kao neosnovan.
- (7) Rješenje iz stava 6. ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.

Član 17.

- (1) Specijalizant, odnosno subspecijalizant ima pravo na godišnji odmor tokom kalendarske godine, u trajanju utvrđenom propisima o radu.
- (2) Godišnji odmor iz stava 1. ovog člana ne smatra se prekidom specijalizantskog, odnosno subspecijalizantskog staža utvrđenog članom 16. ovog pravilnika.

Član 18.

- (1) Ako glavni mentor tokom mentorstva utvrdi da specijalizant, odnosno subspecijalizant ne izvršava obaveze iz programa specijalizantskog, odnosno subspecijalizantskog staža ili nema sklonosti prema specijalizaciji, odnosno subspecijalizaciji za koju se usavršava, o tome, u pisanom obliku, izvještava podnositelja zahtjeva za odobrenje specijalizacije, odnosno subspecijalizacije iz člana 12. ovog pravilnika.
- (2) Glavni mentor i komentor tokom specijalizacije, odnosno subspecijalizacije mogu povući svoju saglasnost o mentorstvu iz objektivnih ili subjektivnih razloga.
- (3) Odluku iz stava 2. ovog člana glavni mentor i komentor obavezni su, u pisanom obliku, dostaviti podnositelju zahtjeva za odobrenje specijalizacije, odnosno subspecijalizacije iz člana 12. ovog pravilnika, kao i specijalizantu, odnosno subspecijalizantu.
- (4) Na osnovu odluke iz stava 3. ovog člana imenuje se novi glavni mentor, odnosno komentor sa utvrđenih listi iz st. 4. i 5. člana 4. ovog pravilnika, o čemu se obavještava Ministarstvo.
- (5) Glavni mentor i komentor za svoj rad po mentorstvu, odnosno komentorstvu dobijaju naknadu od zdravstvene ustanove, odnosno fakulteta zdravstvenog usmjerenja kod kojeg su uposleni u stalnom radnom odnosu.
- (6) Visina naknade iz stava 5. ovog člana utvrđuje se rješenjem ministra saglasno stavu 2. člana 32. ovog pravilnika.
- (7) Ako glavni mentor ili komentor tokom specijalizacije, odnosno subspecijalizacije povuče svoju saglasnost o glavnom mentorstvu ili komentorstvu zbog razloga iz stava 2. ovog člana ili izgubi status glavnog mentora ili komentora zbog brisanja sa liste glavnih mentora i

komentora saglasno st. 9, 10. i 11. člana 4. ovog pravilnika, obavezan je vratiti srazmjern dio isplaćene naknade koji utvrdi ovlaštena zdravstvena ustanova, odnosno fakultet zdravstvenog usmjerenja iz člana 3. ovog pravilnika.

Član 19.

- (1) Ukoliko specijalizant, odnosno subspecijalizant nije zadovoljan radom glavnog mentora i komentora može tražiti njihovu zamjenu.
- (2) Zahtjev za zamjenu iz stava 1. ovog člana specijalizant, odnosno subspecijalizant podnosi ustanovi koja je imenovala glavnog mentora i komentora uz obrazloženje razloga.
- (3) Ustanova iz stava 2. ovog člana obavještava glavnog mentora i komentora o zahtjevu specijalizanta, odnosno subspecijalizanta iz stava 1. ovog člana, te ostavlja rok od sedam (7) dana za izjašnjenje o razlozima zbog kojih se traži zamjena.
- (4) Ustanova iz stava 2. ovog člana razmatra podneseni zahtjev, kao i izjašnjenje glavnog mentora i komentora, te ukoliko cijeni opravdanim, donosi rješenje o razrješenju glavnog mentora i komentora, kao i rješenje o imenovanju novog glavnog mentora i komentora, ili rješenje o odbijanju zahtjeva kao neosnovanog.

Član 20.

- (1) Specijalizacija, odnosno subspecijalizacija prestaje ako:
 - a) specijalizantu, odnosno subspecijalizantu u toku trajanja specijalizantskog, odnosno subspecijalizantskog staža, prestane radni odnos u zdravstvenoj ustanovi, kod nositelja odobrenja za privatnu praksu, na fakultetu zdravstvenog usmjerenja, u nadležnom ministarstvu zdravstva, u državnom, odnosno federalnom ministarstvu, organu državne ili federalne uprave, pravnom licu koje obavlja naučno-istraživačku djelatnost, pravnom licu koje obavlja proizvodnju i promet lijekova i medicinskih sredstava, u zavodu zdravstvenog osiguranja;
 - b) u slučaju prestanka rada privatne prakse, odnosno zdravstvene ustanove po sili zakona za specijalizante, odnosno subspecijalizante kojima je odobrena specijalizacija odnosno subspecijalizacija kao nositeljima odobrenja za privatnu praksu, ili specijalizantima uposlenim kod nositelja odobrenja za privatnu praksu, odnosno specijalizantima uposlenim u zdravstvenoj ustanovi koja prestaje sa radom;
 - c) saglasno odredbi člana 18. stav 1. ovog pravilnika glavni mentor utvrdi da specijalizant, odnosno subspecijalizant ne izvršava obaveze iz programa specijalizantskog, odnosno subspecijalizantskog staža ili nema sklonosti prema specijalizaciji, odnosno subspecijalizaciji za koju se usavršava.
- (2) Rješenje o prestanku specijalizacije, odnosno subspecijalizacije donosi ministar na osnovu zahtjeva zdravstvene ustanove, nositelja odobrenja za privatnu praksu, dekana fakulteta zdravstvenog usmjerenja, rukovoditelja nadležnog ministarstva zdravstva, državnog, odnosno federalnog ministarstva, organa državne ili federalne uprave, direktora pravnog lica koje obavlja naučno-istraživačku djelatnost, direktora pravnog lica koje obavlja proizvodnju i promet lijekova i medicinskih sredstava, direktora zavoda zdravstvenog osiguranja.
- (3) Uz zahtjev iz stava 2. ovoga člana prilažu se dokazi kojim se dokazuje postojanje uvjeta iz stava 1. ovog člana.
- (4) Ukoliko cijeni da podneseni zahtjev iz stava 2. ovog člana nije opravdan i na zakonu zasnovan, ministar donosi rješenje kojim se zahtjev odbija kao neosnovan.

- (5) Rješenja iz st. 2. i 4. ovog člana su konačna u upravnom postupku i protiv istih se može pokrenuti upravni spor kod nadležnog suda, saglasno propisima o upravnim sporovima.

Član 21.

- (1) Specijalizantski, odnosno subspecijalizantski staž i obaveze specijalizanta, odnosno subspecijalizanta u specijalističku knjižicu upisuju glavni mentor i komentori u organizacionim jedinicama zdravstvenih ustanova, odnosno ovlaštenih fakulteta u kojima specijalizant, odnosno subspecijalizant obavlja specijalizantski, odnosno subspecijalizantski staž prema propisanom planu i programu.
- (2) Obrazac specijalističke knjižice nalazi se u prilogu ovog pravilnika i čini njegov sastavni dio (**Prilog broj 2.**).
- (3) Radne obaveze iz stava 1. ovog člana specijalizant, odnosno subspecijalizant obavlja u radnom vremenu, u skladu sa propisima o radu.

Uvjeti za obavljanje specijalizantskog, odnosno subspecijalizantskog staža u inostranstvu

Član 22.

- (1) Cijeli ili dio specijalizantskog, odnosno subspecijalizantskog staža može se obaviti i u inostranstvu, pod uvjetom da program navedenog staža ne odstupa od programa specijalizantskog, odnosno subspecijalizantskog staža utvrđenog za tu vrstu specijalizacije, odnosno subspecijalizacije koja je utvrđena ovim pravilnikom.
- (2) Odobrenje za obavljanje dijela specijalizantskog, odnosno subspecijalizantskog staža u inostranstvu izdaje ministar u formi rješenja, a na osnovu podnijetog dokumentiranog zahtjeva osobe koja je podnijela zahtjev za odobrenje specijalizacije i subspecijalizacije u smislu člana 12. ovog pravilnika.
- (3) Uz zahtjev iz stava 2. ovog člana prilaže se:
- saglasnost ovlaštene zdravstvene ustanove, odnosno fakulteta zdravstvenog usmjerenja u inostranstvu, a u kojem će se obaviti cijeli ili dio specijalizantskog, odnosno subspecijalizantskog staža,
 - ovjerenja izjava specijalizanta, odnosno subspecijalizanta ili podnosioca zahtjeva za odobrenje specijalizacije, odnosno subspecijalizacije iz člana 12. ovog pravilnika, o pokriću svih troškova obavljanja specijalizantskog, odnosno subspecijalizantskog staža u inostranstvu, kao i smještaja specijalizanta, odnosno subspecijalizanta tokom boravka u inostranstvu,
 - rješenje Ministarstva kojim je odobrena specijalizacija, odnosno subspecijalizacija.
- (4) Ukoliko cijeni da podneseni zahtjev iz st. 2. i 3. ovog člana nije opravdan i na zakonu utemeljen, ministar donosi rješenje kojim se zahtjev odbija kao neosnovan.
- (5) Rješenja iz st. 2. i 4. ovog člana su konačna u upravnom postupku i protiv istih se može pokrenuti upravni spor kod nadležnog suda, saglasno propisima o upravnim sporovima.
- (6) U slučaju da je specijalizant, odnosno subspecijalizant obavio cjelokupni ili dio specijalizantskog, odnosno subspecijalizantskog staža u inostranstvu u ispitnu komisiju se može imenovati i stručnjak iz odgovarajuće oblasti iz inostranstva koji ispunjava uvjete za ispitivača saglasno ovom pravilniku.
- (7) Odredbe st. 1. do 6. ovog člana shodno se primjenjuju i na mogućnost obavljanja specijalizantskog, odnosno subspecijalizantskog staža u zdravstvenim ustanovama u Bosni i Hercegovini, koje nisu na teritoriji Federacije Bosne i Hercegovine.

V - POLAGANJE SPECIJALISTIČKOG, ODNOSNO SUBSPECIJALISTIČKOG ISPITA

Član 23.

- (1) Nakon obavljenog programa specijalizantskog, odnosno subspecijalizantskog staža specijalizant, odnosno subspecijalizant polaže specijalistički, odnosno subspecijalistički ispit.
- (2) Specijalistički, odnosno subspecijalistički ispit polaže se najkasnije u roku šest mjeseci od završetka specijalizantskog, odnosno subspecijalizantskog staža.

Član 24.

- (1) Zahtjev za polaganje specijalističkog, odnosno subspecijalističkog ispita podnosi se Ministarstvu.
- (2) Zahtjev iz stava 1. ovog člana treba sadržavati sljedeće:
- lični zahtjev specijalizanta, odnosno subspecijalizanta, zahtjev zdravstvene ustanove, nositelja odobrenja za privatnu praksu, fakulteta zdravstvenog usmjerenja, nadležnog ministarstva zdravstva, državnog, odnosno federalnog ministarstva, organa državne ili federalne uprave, pravnog lica koje obavlja naučno-istraživačku djelatnost, pravnog lica koje obavlja proizvodnju i promet lijekova i medicinskih sredstava, zavoda zdravstvenog osiguranja, a koji su podnijeli zahtjev za odobrenje specijalizacije, odnosno subspecijalizacije u smislu člana 12. ovog pravilnika,
 - rješenje o odobrenju specijalizacije, odnosno subspecijalizacije,
 - uredno popunjenu specijalističku knjižicu,
 - dokaz o uplati troškova za polaganje specijalističkog, odnosno subspecijalističkog ispita.

Član 25.

- (1) Ministar, na osnovu uredno dokumentiranog zahtjeva iz člana 24. ovog pravilnika, donosi rješenje o odobravanju polaganja specijalističkog, odnosno subspecijalističkog ispita ili rješenje kojim se zahtjev odbija kao neosnovan, u roku od 30 dana od dana podnošenja uredno dokumentiranog zahtjeva.
- (2) Ukoliko je rješenje iz stava 1. ovog člana pozitivno, ministar imenuje predsjednika, članove i sekretara ispitne komisije, te određuje datum polaganja specijalističkog, odnosno subspecijalističkog ispita. Glavni mentor i komentori koji su učestvovali u provođenju specijalizantskog, odnosno subspecijalizantskog staža specijalizanta, odnosno subspecijalizanta ne mogu biti imenovani za predsjednika ispitne komisije.
- (3) Predsjednik i članovi ispitne komisije imenuju se sa Liste ispitivača utvrđene saglasno članu 26. ovog pravilnika.
- (4) Predsjednik, članovi i sekretar ispitne komisije za polaganje specijalističkog, odnosno subspecijalističkog ispita imaju pravo na naknadu čiji iznos se određuje rješenjem ministra u skladu sa stavom 4. člana 33. ovog pravilnika.
- (5) Rješenje iz stava 1. ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.
- (6) Rješenje iz stava 1. ovog člana upisuje se u registar odobrenih specijalizacija, odnosno subspecijalizacija, a koji vodi Ministarstvo.

Član 26.

- (1) Listu ispitivača za specijalističke i subspecijalističke ispite utvrđuje ministar, na prijedlog zdravstvenih ustanova i fakulteta zdravstvenog usmjerenja iz stava 2. člana 1. ovog pravilnika, koje su ovlaštene za obavljanje specijalizantskog, odnosno subspecijalizantskog staža.
- (2) Ispitivači iz stava 1. ovog člana biraju se iz redova nastavnika u naučno-nastavnom zvanju redovnog profesora,

vanrednog profesora ili docenta, koji imaju dugogodišnje stručno iskustvo u odgovarajućoj specijalističkoj, odnosno subspecijalističkoj oblasti.

- (3) Izuzetno, ispitivači iz stava 1. ovog člana mogu biti predloženi i iz reda istaknutih stručnjaka odgovarajuće grane specijalizacije, odnosno subspecijalizacije sa iskustvom od najmanje 20 godina specijalističkog staža, odnosno 10 godina subspecijalističkog staža.
- (4) Lista ispitivača iz stava 1. ovog člana novelira se svake godine i objavljuje se na web stranici Ministarstva.

Član 27.

- (1) Specijalistički, odnosno subspecijalistički ispit polaže se u ovlaštenoj zdravstvenoj ustanovi, odnosno fakultetu zdravstvenog usmjerenja iz člana 3. ovog pravilnika.
- (2) Specijalistički, odnosno subspecijalistički ispit iz stava 1. ovog člana sastoji se iz teoretskog i praktičnog dijela.

Član 28.

- (1) Opći uspjeh kandidata na specijalističkom, odnosno subspecijalističkom ispitu ocjenjuje se sa "položio" ili "nije položio".
- (2) Ocjena iz stava 1. ovog člana donosi se većinom glasova članova ispitne komisije i upisuje se, uz pitanja, u zapisnik o polaganju specijalističkog, odnosno subspecijalističkog ispita.
- (3) Obrazac zapisnika iz stava 2. ovog člana nalazi se u prilogu ovog pravilnika i čini njegov sastavni dio (**Prilog broj 3.**).

Član 29.

- (1) Po završetku specijalističkog, odnosno subspecijalističkog ispita, sekretar komisije dužan je zapisnik sa cjelokupnom dokumentacijom dostaviti Ministarstvu.
- (2) Kandidatu koji je položio specijalistički, odnosno subspecijalistički ispit, izdaje se uvjerenje o položenom specijalističkom, odnosno subspecijalističkom ispitu i isto upisuje u registar o položenim specijalističkim, odnosno subspecijalističkim ispitima kojeg vodi Ministarstvo.
- (3) Obrazac uvjerenja iz stava 2. ovog člana nalazi se u prilogu ovog pravilnika i čini njegov sastavni dio (**Prilog broj 4.**).

Član 30.

- (1) Kandidat koji nije položio specijalistički, odnosno subspecijalistički ispit prvi puta, može ga ponoviti u roku koji zapisnički utvrdi ispitna komisija, a koji ne može biti kraći od 30 dana, niti duži od 90 dana od dana polaganja ispita.
- (2) Ako kandidat ne položi ispit drugi put, može ga još jednom ponoviti kroz daljih 90 dana.
- (3) Ako niti nakon ponovljenog roka iz stava 2. ovog člana, kandidat ne položi ispit, upućuje se na ponovno obavljanje specijalizantskog, odnosno subspecijalizantskog staža u trajanju kojeg odredi ispitna komisija, a koje ne može biti kraće od 90 dana.
- (4) Troškove dodatnog specijalizantskog, odnosno subspecijalizantskog staža iz stava 3. ovog člana snosi podnositelj zahtjeva za odobrenje specijalizacije, odnosno subspecijalizacije iz člana 12. ovog pravilnika, odnosno kandidat.
- (5) Ako kandidat ne pristupi polaganju specijalističkog, odnosno subspecijalističkog ispita ili odustane od započetog ispita bez opravdanog razloga, smatra se da ispit taj put nije položio i mora ga ponoviti u roku koji odredi ispitna komisija, a koji ne smije biti duži od 90 dana.
- (6) Troškove ponavljanja specijalističkog, odnosno subspecijalističkog ispita iz stava 5. ovog člana snosi sam kandidat.

Član 31.

Po položenom specijalističkom, odnosno subspecijalističkom ispitu stiče se naziv specijaliste, odnosno subspecijaliste određene grane medicine, stomatologije, farmacije odnosno medicinske biohemije.

VI - TROŠKOVI OBAVLJANJA SPECIJALIZANTSKOG, ODNOSNO SUBSPECIJALIZANTSKOG STAŽA I POLAGANJA SPECIJALISTIČKOG, ODNOSNO SUBSPECIJALISTIČKOG ISPITA

Član 32.

- (1) Troškovi obavljanja specijalizantskog, odnosno subspecijalizantskog staža, u smislu ovog pravilnika, obuhvataju:
 - a) naknadu za rad glavnog mentora i
 - b) naknadu za rad komentora.
- (2) Visina naknade za rad glavnog mentora i komentora iz stava 1. ovog člana utvrđuje se rješenjem ministra.
- (3) Troškove obavljanja specijalizacije, odnosno specijalizacije u pogledu naknade za rad glavnog mentora i komentora snosi podnositelj zahtjeva za odobrenje specijalizacije, odnosno subspecijalizacije iz člana 12. ovog pravilnika.
- (4) Podnositelj zahtjeva za odobrenje specijalizacije, odnosno subspecijalizacije transferira sredstva na ime troškova iz stava 3. ovog člana ovlaštenoj ustanovi u kojoj se obavlja specijalizantski, odnosno subspecijalizantski staž, a koja je dužna izvršiti uplatu naknade za rad glavnog mentoru i komentoru za svakog pojedinog specijalizanta, odnosno subspecijalizanta.

Član 33.

- (1) Troškovi polaganja specijalističkog, odnosno subspecijalističkog ispita utvrđuju se rješenjem ministra.
- (2) Troškove iz stava 1. ovog člana snosi podnositelj zahtjeva za odobrenje specijalizacije, odnosno subspecijalizacije iz člana 12. ovog pravilnika.
- (3) Dio troškova iz stava 1. ovog člana koristi se za plaćanje naknade za rad ispitne komisije i sekretara komisije iz člana 25. ovog pravilnika.
- (4) Posebnim rješenjem ministra utvrđuju se iznosi naknade za rad predsjednika, članova i sekretara ispitne komisije.

VII - PRELAZNE I ZAVRŠNE ODREDBE

Član 34.

- (1) Zdravstvene ustanove, odnosno fakulteti zdravstvenog usmjerenja, kojima je odobreno obavljanje specijalizantskog, odnosno subspecijalizantskog staža na osnovu ranijih propisa koji su važili prije stupanja na snagu ovog pravilnika, dužni su uskladiti svoju organizaciju i poslovanje sa odredbama ovog pravilnika, u roku od 12 mjeseci od dana stupanja na snagu pravilnika.
- (2) Do isteka roka iz stava 1. ovog člana, ostaju na snazi rješenja o odobrenju obavljanja specijalizantskog, odnosno subspecijalizantskog staža zdravstvenim ustanovama, odnosno fakultetima zdravstvenog usmjerenja izdata na osnovu ranijih propisa koji su važili prije stupanja na snagu ovog pravilnika.

Član 35.

- (1) Specijalizant, odnosno subspecijalizant kojem je odobrena specijalizacija, odnosno subspecijalizacija saglasno propisima koji su važili prije stupanja na snagu ovog pravilnika, može, ukoliko je to za njega povoljnije, nastaviti obavljanje specijalizantskog, odnosno subspecijalizantskog staža saglasno odredbama ovog pravilnika.
- (2) Specijalizant, odnosno subspecijalizant kojem je odobrena specijalizacija, odnosno subspecijalizacija na osnovu sudjelovanja u provođenju razvojnih projekata, a saglasno propisima koji su važili prije stupanja na snagu ovog

- pravilnika, zadržava pravo da u tom statusu okonča započetu specijalizaciju, odnosno subspecijalizaciju.
- (3) Na osnovu podnijetog dokumentiranog zahtjeva specijalizanta, odnosno subspecijalizanta odobrenje za obavljanje specijalizantskog, odnosno subspecijalizantskog staža po odredbama ovog pravilnika, a u smislu stava 1. ovog člana, rješenjem odobrava ministar.
 - (4) Rješenje iz stava 3. ovog člana je konačno u upravnom postupku i protiv istog se može pokrenuti upravni spor kod nadležnog suda, saglasno propisima o upravnim sporovima.
 - (5) Ukoliko specijalizant, odnosno subspecijalizant ne iskoristi mogućnost iz stava 1. ovog člana, rješenje o odobrenju specijalizacije, odnosno subspecijalizacije, izdato na osnovu ranijih propisa koji su važili prije stupanja na snagu ovog pravilnika, ostaje na snazi.

Član 36.

Zdravstveni radnici koji su stekli status subspecijaliste na osnovu odredbi o priznavanju postdiplomskog studija u subspecijalizaciju, a saglasno propisima koji su važili prije stupanja na snagu ovog pravilnika, zadržavaju sva prava stečena po tom osnovu.

Član 37.

Zahtjevi podneseni ovom ministarstvu prije stupanja na snagu ovog pravilnika riješit će se u skladu sa odredbama propisa koji su važili prije stupanja na snagu ovog pravilnika.

Član 38.

Liste ispitivača za specijalističke, odnosno subspecijalističke ispite u skladu sa odredbama ovog pravilnika donijet će se u roku od 6 mjeseci od dana stupanja na snagu ovog pravilnika.

Član 39.

Odredbe ovog pravilnika ne odnose se na specijalizacije, odnosno subspecijalizacije osoba koje su završile fakultet zdravstvenih studija, kao i na specijalizacije zdravstvenih saradnika, a što će se urediti posebnim pravilnicima.

Član 40.

Danom stupanja na snagu ovog pravilnika prestaje da važi Pravilnik o specijalizacijama i subspecijalizacijama doktora medicine, doktora stomatologije i magistara farmacije ("Službene novine Federacije BiH", br. 6/11, 11/11, 17/11, 22/11, 26/11, 82/11, 41/12, 79/12, 55/13, Isp.-95/13, 52/14, 54/14 i 84/14).

Član 41.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-4665/15

27. jula 2015. godine

Sarajevo

Ministar

Doc. dr. **Vjekoslav Mandić**, s. r.

Temeljem članka 153. stavak 2., članka 155. stavak 2., članka 157. stavak 3. Zakona o zdravstvenoj zaštiti ("Službene novine Federacije BiH", br. 46/10 i 75/13), federalni ministar zdravstva donosi

PRAVILNIK

O SPECIJALIZACIJAMA I SUBSPECIJALIZACIJAMA DOKTORA MEDICINE, DOKTORA STOMATOLOGIJE, MAGISTARA FARMACIJE I INŽENJERA MEDICINSKE BIOKEMIJE

I - TEMELJNE ODREDBE

Članak 1.

- (1) Ovim pravilnikom utvrđuju se grane, trajanje, plan i program specijalizacija i subspecijalizacija za doktore medicine, doktore stomatologije, magistre farmacije i

inženjere medicinske biokemije; uvjeti za zdravstvene ustanove i fakultete zdravstvenog usmjerenja u kojima se obavlja specijalizantski, odnosno subspecijalizantski staž, kao i postupak njihove verifikacije; kriteriji za prijem specijalizanata, odnosno subspecijalizanata; način obavljanja specijalizantskog, odnosno subspecijalizantskog staža; uvjeti za obavljanje specijalizantskog, odnosno subspecijalizantskog staža u inozemstvu; polaganje specijalističkog, odnosno subspecijalističkog ispita; kao i troškovi obavljanja specijalizantskog, odnosno subspecijalizantskog staža i polaganja specijalističkog, odnosno subspecijalističkog ispita.

- (2) Fakulteti zdravstvenog usmjerenja, u smislu ovog pravilnika, su: medicinski, stomatološki, farmaceutski i farmaceutsko-biokemijski fakultet.

Članak 2.

- (1) Doktori medicine, doktori stomatologije, magistri farmacije i inženjeri medicinske biokemije mogu se stručno usavršavati u obliku specijalizacije i subspecijalizacije.
- (2) Specijalizacija i subspecijalizacija je organizirani oblik stjecanja teoretskih i praktičnih stručnih znanja i znanstvenih saznanja prema propisanom programu.
- (3) Plan i program specijalizacija i subspecijalizacija za doktore medicine, doktore stomatologije, magistre farmacije i inženjere medicinske biokemije, te njihovo trajanje nalazi se u privitku ovog pravilnika i čini njegov sastavni dio (**Privitak broj 1.**)

II - UVJETI ZA ZDRAVSTVENE USTANOVE I FAKULTETE ZDRAVSTVENOG USMJERENJA U KOJIMA SE OBAVLJA SPECIJALIZANTSKI, ODNOSNO SUBSPECIJALIZANTSKI STAŽ I POSTUPAK NJIHOVE VERIFIKACIJE

Članak 3.

- (1) Cjeloviti program ili dio programa specijalizantskog, odnosno subspecijalizantskog staža doktora medicine, doktora stomatologije, magistara farmacije i inženjera medicinske biokemije obavlja se u zdravstvenim ustanovama i fakultetima zdravstvenog usmjerenja koji, glede prostora, opreme i kadra, udovoljavaju sljedećim uvjetima:
 - a) da se u njima obavljaju stručni poslovi predviđeni planom i programom određene specijalizacije, odnosno subspecijalizacije,
 - b) da imaju odgovarajući prostor i opremu,
 - c) da imaju u stalnom radnom odnosu najmanje dva specijalista, odnosno subspecijalista sa najmanje pet godina specijalističkog, odnosno subspecijalističkog staža za granu specijalizacije, odnosno subspecijalizacije u kojoj se specijalizant, odnosno subspecijalizant usavršava,
 - d) da imaju u stalnom radnom odnosu najmanje jednog specijalistu, odnosno subspecijalistu koji ispunjava uvjete za glavnog mentora za onu granu specijalizacije, odnosno subspecijalizacije za koju se traži ovlaštenje,
 - e) da imaju bibliotekarsko-informatičku podršku suglasno suvremenim zahtjevima medicinske, stomatološke, farmaceutske, odnosno medicinsko-biokemijske struke kojom se omogućava pristup odgovarajućoj domaćoj i stranoj stručnoj literaturi, te prostor i opremu za praktično učenje laboratorijskih tehnika,
 - f) da imaju organizirane aktivnosti u području praćenja kvaliteta specijalizantskog, odnosno subspecijalizantskog staža.
- (2) Pored uvjeta iz stavka 1. ovog članka zdravstvene ustanove i fakulteti zdravstvenog usmjerenja moraju ispunjavati i